



**2017/0238(NLE)**

22.3.2018

## TUAIRIM

ón gCoiste um Thrádáil Idirnáisiúnta

chuig an gCoiste um Ghnóthaí Eachtracha

ar an dréachtchinneadh ón gComhairle maidir le Comhaontú Comhpháirtíochta Cuimsitheach Feabhsaithe idir an tAontas Eorpach agus an Comhphobal Eorpach do Fhuinneamh Adamhach agus a mBallstáit de pháirt amháin, agus Poblacht na hAirméine den pháirt eile, a thabhairt i gcrích, thar ceann an Aontais  
(12543/2017 – C8-0422/2017 – 2017/0238(NLE))

Rapóirtéir don tuairim: Elsi Katainen

PA\_Leg\_Consent

## RÉASÚNÚ GEARR

Shínigh na comhpháirtithe Comhaontú Comhpháirtíochta Cuimsitheach Feabhsaithe idir an tAontas Eorpach agus an Comhphobal Eorpach do Fhuinneamh Adamhach agus a mBallstáit de pháirt amháin, agus Poblacht na hAirméine, den pháirt eile ('CCCF' anseo feasta) i gcomhthráth le Cruinniú Mullaigh Chomhpháirtíocht an Oirthir an 24 Samhain 2017 sa Bhruiséil. Rinneadh CCCF a chaibidliú le linn na mblianta 2015-2017 tar éis cinneadh ón Airméin in 2013 gan an Comhaontú Comhlachais (AA) agus an Limistéar Domhain agus Cuimsitheach Saorthrádála (DCFTA) a caibidlíodh a shíniú leis an Aontas Eorpach (AE), ach ina ionad sin dul isteach san Aontas Eacnamaíoch Eoráiseach (AEE) an 2 Eanáir 2015.

Mar an rapóirtéir don tuairim, ní foláir dom a lua gurb oth liom an cinneadh seo sa mhéid gur measadh méadú 2.3% ar Olltáirge Intíre (OTI) na hAirméine san fhadtéarma a bheith ag eascairt ó AA/DCFTA chomh maith le tuilleadh deiseanna ó thaobh infheistíochtaí díreacha coigríche de, i gcomparáid le tairbhe nach bhfuil chomh feiceálach mar thoradh ar bheith in AEE. Ba cheart go dtuigfí, áfach, go bhfuil tairbhe ag baint le caibidlíochtaí agus síniú CCCF ar bhealaí éagsúla. Ar an gcéad dul síos, is léiriú spéise agus gealltanais é ó thaobh na hAirméine de gaol níos dlúithe a bheith aici le AE a mhéid go bhfuil sé sin ag luí lena hoibleagáidí faoi AEE. Ar an dara dul síos, is léiriú é ar sholúbthacht AE i gcomhréir le cur chuige difreáilte nua faoi Bheartas Comharsanachta na hEorpa i dtaca le comhaontú a chaibidliú atá saincheaptha don Airméin agus atá ag luí le AEE.

Is é AE an margadh onnmhairithe is mó ag an Airméin, a dhéanann suas tuairim is 27% d'onnmhairí iomlána na hAirméine. Is iad miotail agus clocha lómhara príomh-onnmhairí na hAirméine, agus i measc na n-onnmhairí príomhúla eile tá fuinneamh, deochanna, glasraí agus torthaí. Is iad ola, gás nádúrtha, gránaigh, táirgí monartha rubair, corc agus adhmaid, agus innealra leictreach is mó a allmhairíonn an Airméin. Tairbhíonn an Airméin freisin ó Scéim AE na bhFabhar Ginearálaithe Taraife (GSP+). Tá ráta úsáide GSP+ na hAirméine fanta ard (tuairim is 93%), ach tagann onnmhairí GSP+ ó líon an-teoranta earraí ar luach sách íseal - iarann, cruach agus táirgí atá déanta astusan agus éadaí.

Is comhaontú cuimsitheach é CCCF, agus ar an iliomad bealaí is comhaontú uailmhianach é freisin, a leanann, den chuid is mó, struchtúr an Chomhaontaithe Comhlachais a caibidlíodh. Maidir leis na gealltanais a tugadh sa AA tá siad fanta nach mór gan athrú san iliomad réimsí amhail idirphlé polaitiúil agus i bhformhór na gcaibidlí earnála. I réimsí sonracha áirithe, áfach, fadaíodh an t-amchlár don chur chun feidhme. Ar chúiseanna soiléire, is í an chuid trádála de CCCF is mó a ndéanann ballraíocht na hAirméine in AEE difear di. Ní chuireann CCCF deireadh le taraifí ar earraí sa mhéid go nglactar cinntí a bhaineann le taraifí ar leibhéal AEE ag a bhfuil comhtharaif eachtrach. Tá an Airméin fós ag baint tairbhe, áfach, as rochtain ar mhargadh AE mar thoradh ar bhaint taraifí trí GSP+. Sna caibidlí BTT agus SPS de CCCF tá sé beartaithe go mbeidh comhar níos dlúithe ann bunaithe ar rialacha agus prionsabail idirnáisiúnta, cé nach bhfuil siadsan chomh cuimsitheach agus chomh huailmhianach is atá i gcás DCFTAanna, go sonrach maidir le comhfhogasú le reachtaíocht AE. Tá an Airméin ina páirtí sa Chomhaontú Iltaobhach maidir le Soláthar Rialtais agus gheall sí cheana féin noirm idirnáisiúnta a chomhlíonadh. In CCCF d'aontaigh an Airméin breis a dhéanamh ó thaobh trédhearcachta agus rochtain mhargaidh de le haghaidh táirgí agus oibreoirí AE. Is caibidil uailmhianach í an chaibidil maidir le trádáil seirbhísí a bhfuil beartaithe léi dul níos faide ná GATS. Téann an chaibidil maidir le Cearta Maoine Intleachtúla níos faide ná TRIPS chomh

maith. Sa chomhthéacs sin, is díol suntais é gur aontaigh AE 24 bliana d'idirthréimhse a dheonú don Airméin ina bhféadfadh sí úsáid a bhaint as an bhfocal 'cognac' scríofa i litreacha Coireallacha agus onnmhairithe chuig an Rúis amháin chun tagairt don deoch branda Airméanach. Ina theannta sin tá gnéithe a théann níos faide ná rialacha WTO i réimsí amhail iomaíocht, fóirdheontais agus fiontair faoi úinéireacht stáit. Chomh maith leis sin, cruthaítear bunús dlí don chúnaimh riaracháin frithpháirteach idir údaráis chustaim chun feabhas a chur ar an gcomhar i gcoinne neamhrialtachtaí agus calaois chustaim. D'aontaigh AE agus an Airméin freisin ar chaibidil uailmhianach maidir le trádáil agus inbhuanaitheacht, a bhfuil mar aidhm léi a áirithiú go ndéanfar trádáil a chur chun cinn ar bhealach inbhuanaithe.

D'ainneoin gur léirigh an Airméin spéis ina leith, ní áiríonn CCCF caibidil maidir le hinfheistíocht. An chúis leis sin ná nach raibh sainordú ann ón gCoimisiún agus go bhfuil gá le soiléirithe dlíthiúla ar leibhéal AE. Níor thug Cúirt Bhreithiúnais an Aontais Eorpaigh a tuairim maidir leis an gcomhaontú saorthrádála idir AE agus Singeapór go dtí an 16 Bealtaine 2017 agus dúirt sí go mbeadh na forálacha a bhaineann le hinfheistíocht phunainne agus sásra ISDS mar chuid den inniúlacht roinnte idir AE agus a Bhallstáit.

Mar an rapóirtéir don tuairim, molaim go dtacófaí leis an gconclúid nach mbeadh an Comhaontú seo ach ina thús leis an bpróiseas. Bheadh cur chun feidhme éifeachtach CCCF le rannpháirtíocht na bparlaimintí agus na sochaí sibhialta ón dá thaobh ina thasc dúshlánach a d'éileodh dlúthfhaireachán leanúnach.

\*\*\*\*\*

Iarrann an Coiste um Thrádáil Idirnáisiúnta ar an gCoiste um Ghnóthaí Eachtracha, mar an coiste atá freagrach, a mholadh go dtabharfadh an Pharlaimint a toiliú don dréachtchinneadh ón gComhairle maidir le Comhaontú Comhpháirtíochta Cuimsitheach Feabhsaithe idir an tAontas Eorpach agus an Comhphobal Eorpach do Fhuinneamh Adamhach agus a mBallstáit de pháirt amháin, agus Poblacht na hAirméine, den pháirt eile, a thabhairt i gcrích, thar ceann an Aontais.

## NÓS IMEACHTA - AN COISTE AR IARRADH TUAIRIM AIR

<b>Teideal</b>	Comhaontú Comhpháirtíochta Cuimsitheach Feabhsaithe idir an tAontas Eorpach agus an Comhphobal Eorpach do Fhuinneamh Adamhach agus a mBallstáit de pháirt amháin, agus Poblacht na hAirméine, den pháirt eile
<b>Tagairtí</b>	12543/2017 – C8-0422/2017 – JOIN(2017)0037 – 2017/0238(NLE)
<b>An Coiste freagrach</b>	AFET
<b>Tuairim ó</b> Dáta a fógraíodh sa suí iomlánach	INTA 11.12.2017
<b>Rapóirtéir</b> Dáta an cheapacháin	Elsi Katainen 11.10.2017
<b>Rapóirtéir roimhe seo</b>	Hannu Takkula
<b>Pléite sa choiste</b>	22.1.2018
<b>Dáta an ghlactha</b>	22.3.2018
<b>Toradh na vótála críochnaithí</b>	+: 29 –: 1 0: 2
<b>Na comhaltaí a bhí i láthair don vótáil chríochnaitheach</b>	William (The Earl of) Dartmouth, Laima Liucija Andrikienė, Maria Arena, Tiziana Beghin, David Borrelli, David Campbell Bannerman, Daniel Caspary, Salvatore Cicu, Heidi Hautala, Nadja Hirsch, Elsi Katainen, Bernd Lange, David Martin, Emma McClarkin, Franz Obermayr, Franck Proust, Godelieve Quisthoudt-Rowohl, Viviane Reding, Inmaculada Rodríguez-Piñero Fernández, Marietje Schaake, Helmut Scholz, Joachim Schuster, Adam Szejnfeld
<b>Na comhaltaí ionaid a bhí i láthair don vótáil chríochnaitheach</b>	Bendt Bendtsen, Klaus Buchner, Nicola Danti, Seán Kelly, Gabriel Mato, Frédérique Ries, Fernando Ruas, Pedro Silva Pereira, Jarosław Wałęsa

**TORADH NA VÓTÁLA CRÍOCHNAITHÍ LE GLAO ROLLA SA CHOISTE AR IARRADH TUAIRIM AIR**

<b>29</b>	<b>+</b>
ALDE	Nadja Hirsch, Elsi Katainen, Frédérique Ries, Marietje Schaake
ECR	David Campbell Bannerman, Emma McClarkin
EFDD	Tiziana Beghin, William (The Earl of) Dartmouth
GUE/NGL	Helmut Scholz
NI	David Borrelli
PPE	Laima Liucija Andrikienė, Bendt Bendtsen, Daniel Caspary, Salvatore Cicu, Seán Kelly, Gabriel Mato, Franck Proust, Godelieve Quisthoudt-Rowohl, Viviane Reding, Fernando Ruas, Adam Szejnfeld, Jarosław Wałęsa
S&D	Maria Arena, Nicola Danti, Bernd Lange, David Martin, Inmaculada Rodríguez-Piñero Fernández, Joachim Schuster, Pedro Silva Pereira

<b>1</b>	<b>-</b>
ENF	Franz Obermayr

<b>2</b>	<b>0</b>
VERTS/ALE	Klaus Buchner, Heidi Hautala

Eochair do na siombailí:

+ : i bhfabhar

- : i gcoinne

0 : staonadh